

## Edizioni

- letto 463 volte

## Tischler

I.

Por li servir en bone foi  
veut amors mon cuer retenir,  
et je volentiers li otroi  
cuer et cors et moi tot entir:  
le cuer ait por le sovenir,  
le cors por les maus soutenir;  
einsinc toz en amors m'otroi  
ne partir n'en vueill sanz merci:  
j'ai tant servi et servirai  
qu'il m'iert meri.

II.

Amors fera grant estreloi,  
se son gré ne puis desservir,  
que je tant l'aim et pris et croi  
que de moi me vueill dessaisir  
por li baillier a son plaisir;  
et puis que son gré tant desir,  
bien porra dire, se de moi  
pitiez et mercis ne li prent:  
je ai trahi a escient  
celui qui m'amoit loiaument.

III.

Je samble celui qui de soi  
convient par estovoir morir;  
si est l'iaue si pres de soi  
qu'a son menton le puet sentir.  
Ensint voi de moi avenir,  
quant a l'amor ne puis venir  
de ma dame, et souvent la voi.  
Mes se li suens cuers ne m'est puis,  
je tieg volentiers mes eus  
a li esgarder, quant je ne puis mieuz.

IV.

Assez i a raison por coi,  
se tres volentiers la remir.  
Sens, bontez et biautez, cist troi  
font de cuer as eus obeïr.  
Maiz mesdisans doi trop haïr,  
qui se painent de moi trahir,  
por ce que j'aim, si com je doi,  
loiaument et sans decevoir.  
Se mesdisans ne me nuisoit,  
pres sui de ma grant joie avoir.

V.

Gentius dame, merci vos proi;  
si me doint Deus de vos joïr!  
C'ainc de rienz tel volenté n'oi  
com de vous loiaument servir.  
Tant soufranment mi fait languir  
li douz espoirs de vo merir  
que por grevance ne recroi,  
s'en doi doubles biens savorer.  
Qui loiaument sert s'amie,  
bien li doit sa joie doubler.

VI.

A ma dame te fai oïr,  
ne puis mon message furnir,  
cançon, par autrui que par ti,  
et si li proie et si li di:  
la painne m'agree que trai por li.

- letto 323 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/edizioni-229>